

Tuhaqtitaujukhaq

Tuhagtitauhainnaqtukhaq

CCBF-kut Angirutitut nutaanguqtirutikhait Nunavunmut

Iqaluit, Nunavut (Niqiliqivik 8, 2024) – Ministanga Nunalingni Kavamatkunillu Pivikhaqautikkut David Joanasie quviahuktuq tuhaqtipkaivluni taimaa Nunavut Kavamanga (GN) unalu Kanadam Kavamanga sainiqhijun nutaanguqtihimajamik angirutikhamik uumunga Kanatami Nunallaanun Naahimadjutikhaitigun Manikhaq (Canada Community-Building Fund - CCBF).

“Una angirutikhaq pidjutaa ihuaqtumun aturuminaqturlu manikhaq ikajuutikhainun inuuhittiarutikhanun Nunavunmiutanun tahapkunuuna pivalliajutikhaitigun nunallaami pijainun ihariagijaujanun aulapkaidjutikhanun havaktaujakhanun,” uqaqtuq Minista Joanasie. “Una ikajuutikhaq naunairutaa akhuurnaqtunun havaqatigiingnirmun, aadjikkiirutikhanun unalu kangiqhipqaqtauvlutik ihumaliuriamingnun akitujunun maniliurutikhanun.

CCBF-kut ikajuutigijait angijun aulapkaidjutikhanun havaktaujakhanik Nunavunmi, unalu angiklijuumidjutikhamun imaqqarvikhamun Iglulingmi ihuaqhijuumidjutikhaq imarmik tutquumavikhamun ihuaqhiutigilugu amigairjuumivalliajunun pijumajunun, nutaanguqtirlugu anaktautit kuvirarvianun Iqaluktuutiami munarilutik halumavagiami qajangnaikjutikhainullu, iliurarlugulu aallamik nutaamik iqqaquurikhamun angijunun havigalingnun ilaqunun ikhurarvikhainun Arviani inikhaqariami ikiklijuumilugulu avatingnun pidjutigijainik.

Ilangit CCBF havaakhat havaktaujut ikajuutikhat ulapqidjutinun nunallaani ilaujut napaqtiriniq ikaarvikhaq Sallirmi, ihuaqhaqtaujuq pijaarniq ulapqiviup najugaa, iliuraqtaujuq nirumiktuq nunamingni najugaini Naujaani, akhuuqhaidjutaa aturiangani inulramirnin nutaqqaninlu, ihuaqhaqtaujuurlu atuqtaujuq nunallaami Qausuittuqmi, angiklijuumighugu ulapqiviit pinahuarutait inungnun.

GN-kut havaliqtun amigairjuuminahurillugit ilaupkaidjutikhanun nunami nunallaanun
ukunungalu Nunavunmi Katimajit Haamlatkunun, avikturvingmi kavamaungittunun

